



Universiteti i Mitrovicës “Isa Boletini”

**PLANI STRATEGJIK I FAKULTETIT TË
TEKNOLOGJISË USHQIMORE
2018-2021**

Përmbajtja

PROCESI I HARTIMIT TË DOKUMENTIT PSFTU 2018-2021	6
HYRJE	7
Veprimtaria	7
MISIONIDHEVIZIONI I FAKULTETIT	8
MISIONI.....	8
VIZIONI	9
Objektivat dhe qëllimet e përgjithshme të zhvillimit të FTU-së.....	10
FUSHAT STRATEGJIKE DHE INICIATIVAT STRATEGJIKE	11
Mësimdhënia, kërkimi dhe shërbimi	11
Burimet e mësimi dhe mbështetja estudentëve	11
Akreditimi dhe kontrollimi i cilësisë	12
Zhvillimi i burimeve njerëzore.....	12
Globalizimi/Ndërkombëtarizimi.....	12
MONITORIMI, VLERËSIMI DHE RAPORTIMI.....	13
Përfundim	14

SHKURTESAT

KD	Këshilli Drejtues
KP	Komisioni profesional
MASHT	Ministria e Arsimit, Shkencës dhe Teknologjisë
NJA	Njësitë Akademike
PA	Parlamenti Studentor
PSUMIB	Plani Strategjik i Universitetit të Mitrovicës “Isa Boletini”
SA	Stafi akademik
SI	Sistemi informativ
TI	Teknologjia informative
TIK	Teknologjia e Informacionit dhe e Komunikimit
UMIB	Universiteti i Mitrovicës “Isa Boletini”
ZIKP	Zyra për Informim dhe Komunikim me Publikun
ZSC	Zyra për Sigurim të Cilësisë

DOKUMENTET E KONSULTUARA:

Ky PSFTU është hartuar në përputhje me dokumentet e cekura më poshtë, andaj objektivat strategjike të FTU-së korrespondojnë me objektivat e këtyre strategjive nacionale.

Strategjinë Kombëtare për Zhvillim 2016-2021 të Qeverisë së Kosovës;
Ligji për Arsimin e Lartë i Republikës së Kosovës, 2010;

Plani Strategjik i Arsimit në Kosovë 2017-2021;
Statuti i Përkohshëm i UMIB-it;

Plani Strategjik i Universitetit të Mitrovicës “Isa Boletini” 2018-2021

FJALA E DEKANIT

Të nderuar,

Në emër të menaxhmentit të FTU-së, stafit akademik, administratës dhe studentëve, kam nderin dhe kënaqësinë të prezantoj dokumentin Plani Strategjik i Fakultetit të Teknologjisë Ushqimore për periudhën kohore 2018-2021, i cili do të përbëjë platformën e qëndrueshme të zhvillimit, të kërkimit dhe të inovacionit në FTU.

Duke vlerësuar miratimin e kësaj strategjie si një hap të rëndësishëm, duhet të jemi të ndërgjegjshëm për punën e madhe që na pret për zbatimin e saj. Ndaj ju ftoj të gjithëve të mbështesim këtë proces dhe të bashkohemi në përpjekjet tona për të realizuar synimet tona të përbashkëta në këtë fushë, e cila njëherit reflekton në zhvillimin e shpejtë e të qëndrueshëm të ekonomisë dhe shoqërisë në përgjithësi.

Ky PSFTU do të ndihmojë në vazhdimin e mëtejme drejt ngritjes së cilësisë në mësimdhënie, mësimnxënie dhe zhvillimin e programeve mësimore në përputhje me nevojat e tregut të punës.

Pavarësisht nga vështirësitë dhe sfidat me të cilat mund të ballafaqohemi në të ardhmen, ky dokument do të jetë një udhërrëfyes për zhvillimin e FTU-së. Në mënyrë që ky PSFTU të implementohet në të gjitha pika e tij, të gjithë duhet të jemi kontribut dhënës për zbatimin e tij, andaj të gjithë duhet të veprojmë me forcat tona në drejtim të implementimit të saj.

Me këtë rast, dëshiroj të falënderoj përzemërsisht të gjithë ata që kontribuan me punën e tyre me rastin e hartimit të dokumentit të Planit Strategjik i Fakultetit të Teknologjisë Ushqimore për periudhën kohore 2018- 2021, e veçanërisht përgëzoj Komisionin-Grupin Punues dhe të gjithë stafin, që kanë kontribuar me komentet dhe sugjerimet e tyre shumë të vlefshme në përpilimin e këtij dokumenti me shumë vlerë.

Me respekt,

Prof. Asoc. Dr. Milaim Sadiku, Dekan

PROCESI I HARTIMIT TË DOKUMENTIT PSFTU 2018-2021

Duke u bazuar në nenin 18, paragrafin 10 të Ligjit për Arsimin e Lartë dhe nenin 22, paragrafin 1.2, të Statutit të Përkohshëm të UMIB-it (për përgjegjësitë e Këshillit Drejtues për të hartuar një plan strategjik për Universitetin e Mitrovicës), Këshilli i FTU-së në mbledhjen e mbajtur me datën 28.09.2017, me vendimin numër 1307/005, vendosi për emërimin e Komisionit Profesional për hartimin e dokumentit PSFTU për periudhën kohore 2018-2021. Nga data e miratimit të këtij dokumenti të gjitha aktivitetet zhvillimore të FTU-së do të udhëhiqen nga ky dokument i cili njëkohësisht do të jetë edhe tregues i performancës së strukturave menaxhuese të FTU-së mbi bazën e monitorimit dhe rishikimit vjetor të tij. Këshilli i Fakultetit ka emëruar Komisionit profesional të përbërë prej 4 anëtarëve:

1. Prof. Asoc. Dr. Mehush Aliu, kryetar
2. Prof. Asoc.Dr. Milaim Sadiku, anëtar
3. Prof. Asoc.Dr. Mensur Kelmendi, anëtar
4. Prof. Dr. Blerim Baruti, anëtar

Si grup punues së pari kemi kompletuar portofolin e gjithë dokumentacionit relevant për hartimin e dokumentit të PSFTU me fokus në dokumentet strategjike të MASHT për arsimin e lartë, dokumentet sektoriale strategjike të UMIB-it (për kërkime-hulumtime, për sigurimin e cilësisë), dokumente ndërkombëtare të arsimit të lartë, etj.

Fakulteti i Teknologjisë Ushqimore ka zhvilluar dhe miratuar këtë Plan startegjik pas një ekzaminimi dhe analize të trendeve bashkëkohore, vetëvlerësimit dhe diskutimeve gjatë kësaj periudhe kohore. Ky dokument përfaqëson synimin tonë për avancimin e Fakultetit të Teknologjisë Ushqimore si në substancë ashtu edhe në reputacion.

Plani strategjik i FTU-së është në përputhje me planin strategjik të UMIB-it.

Komisioni profesional ka mbajtur 3 takime pune dhe konsultative në të cilat ka përcaktuar shtyllat prioritare dhe ka punuar një draft dokument fillestar. Komisioni profesional e ka të njohur faktin se kjo strategji lidhet drejtpërdrejtë me prioritetet e UMIB-it dhe PSUMIB, për zhvillim të qëndrueshëm 2018–2021, prandaj Këshilli i FTU-së falënderon të gjithë ata që kontribuan në çfarëdo mënyre në hartimin e dokumentit të PSFTU për periudhën kohore 2018-2021.

Ky plan strategjik përfshinë objektivat cilësore në fushat vijuese:

- Punën edukative,
- Punën shkencore dhe hulumtuese;
- Punën profesionale;
- Fakultetin si tërësi.

Prof. Asoc. Dr. Mehush Aliu

Kryesues i Komisionit profesional

HYRJE

Profili i FTU-së

Zhvillimi i Fakultetit të Teknologjisë Ushqimore është i lidhur me hapjen e Shkollës së Lartë Teknike në vitin 1961 në Mitrovicë. Në këtë shkollë janë përgatitur inxhinierë për Xehetari, Metalurgji dhe Teknologji. Studimet kanë zgjatur dy vjet. Në vitin 1970 në kuadër të Fakultetit Teknik të Prishtinës hapen degët e Teknologjisë, Xehetarisë dhe Metalurgjisë, fillimisht në Mitrovicë, viti akademik 1970/71, për të vazhduar pastaj në Prishtinë deri në themelimin e Fakultetit të Xehetarisë dhe Metalurgjisë në Mitrovicë. Me vendimin e Kuvendit të Krahinës Socialiste Autonome të Kosovës, më 22 korrik 1974 themelohet Fakulteti i Xehetarisë dhe Metalurgjisë në Mitrovicë, në kuadër të të cilit është edhe drejtimi i Teknologjisë.

Prej vitit akademik 2008/2009 përveç studimeve Bachelor organizohen edhe studimet Master sipas Bolojnës. Në vitin 2011, me vendimin e Këshillit Drejtues të Universitetit të Prishtinës, ndërron emërtimi i Fakultetit, nga Fakulteti i Xehetarisë dhe Metalurgjisë në Fakultetin e Gjeoshkencave dhe Teknologjisë.

Universiteti Publik i Mitrovicës është themeluar me vendimin e Qeverisë të Republikës së Kosovës Nr. 01/118 dt. 06.03.2013, dhe me Ratifikimin e vendimit nga Parlamenti i Republikës së Kosovës më 31.05.2013. Mbi bazën e këtij vendimi është themeluar edhe Fakulteti i Teknologjisë Ushqimore. Fakulteti i Teknologjisë Ushqimore është themeluar më 06.03.2013.

Veprimtaria

Në kuadër të aktiviteteve të FTU-së, në mënyrë të pavarur dhe/ose në bashkëpunim me partnerët e tij, studentët mund të ndjekin studimet e ciklit të parë bachelor, studimet e ciklit të dytë master dhe jemi në përpjekje e sipër për hapjen e studimeve të ciklit të tretë-doktoratës, poashtu bazuar në Statut mund të ofrohen programe të trajnimit dhe formimit profesional. FTU në mënyrë të pavarur, ose në bashkëpunim me institucione të tjera arsimore hulumtuese, performon hulumtime bazë dhe aplikative, si dhe kërkime që janë në funksion të zhvillimit të aktiviteteve arsimore.

Në FTU, studimet organizohen dhe implementohen sipas planit dhe programeve të mbështetura në Deklaratën e Bolonjës.

MISIONIDHEVIZIONI I FAKULTETT

FTU misionin dhe vizionin për të ardhmen e bazon në misionin dhe vizionin e UMIB-it, si dhe në nevojat e ekonomisë së tregut të lirë.

Misioni dhe Vizioni i FTU-së bazohen në këto parime akademike:

- Mësimdhënësit kanë liri akademike në hartimin dhe realizimin e orëve në përputhje me njohuritë përkatëse shkencore dhe metodike, në përputhje me programin e pranuar të studimit si dhe standardet e cilësisë në Universitet;
- Përsosmëria arrihet duke përhapur arsimin, kërkimin dhe krijimin;
- Të gjithë studentët, stafi akademik dhe kërkuesit kanë mundësi të barabarta për të marrë pjesë në arsimim dhe kërkime, në përputhje me kompetencat e tyre personale dhe interesat e tyre ;
- Puna akademike bazohet në ndershmëri, besim, drejtësi dhe respekt të ndërsjellë.

MISIONI

Qëllimi primar i misionit të FTU-së është fokusi që të ofrojë programe studimore moderne dhe dinamike, kërkime shkencore, këshillime profesionale dhe fusha të tjera të veprimtarive akademike, të përshtatura plotësisht me standardet botërore dhe kërkesat e shoqërisë, ku qytetarëve të Kosovës dhe atyre jashtë saj do t'u ofrojë edukim cilësor, hulumtues dhe inovativ, nga do të përgatisë studentë konkurrues në tregun e punës.

E gjithë kjo do të arrihet nëpërmes mësimdhënies dhe punës kërkimore e shkencore, me një staf akademik të specializuar në drejtimit përkatëse dhe me teknologjinë më të avancuar për demonstrimin e punës praktike. Misioni i FTU-së është:

- Të synojë të krijojë dhe mbështesë standardet më të larta në fushën e mësimdhënies dhe mësim nxënies, kërkimeve shkencore,
- Të shfrytëzojë burimet e veta në mënyrë sa më efikase;
- Të bashkëpunojë maksimalisht dhe të marrë pjesë në të gjitha aktivitetet e arsimit të lartë në nivel kombëtar, rajonal dhe ndërkombëtar;
- Përshtatja me standardet evropiane;
- Të krijojë, të transmetojë, të zhvillojë, e të mbrojë dijet me anë të mësimdhënies, veprimtarisë kërkimore-shkencore e inovacionit, si dhe shërbimeve në fushat e shkencave teknike.

VIZIONI

FTU synon të jetë i fokusuar në zhvillimin e cilësisë, mësimdhënie cilësore dhe hulumtim, pjesëmarrjes aktive e debateve në shoqëri dhe mbështetës i zhvillimit të gjithëmbarshtëm ekonomik dhe shoqëror në Republikën e Kosovës.

Deri në vitin 2021, FTU synon të bëhet një Fakultet i hapur, tërheqës për studentët jo vetëm të Kosovës dhe regjionit, pra një Fakultet me renome dhe rëndësi rajonale, kombëtare dhe ndërkombëtare.

FTU, në saje të rezultateve të punës shkencore dhe arsimore, shquhet si një Fakultet me rëndësi në fushën e shkencave teknike nëpërmjet arsimimit të inxhinierëve, dhe zë një vend të rëndësishëm për kontribut dhënie në ndërtimin e një të ardhme më të ndritshme dhe me prosperitet të qytetarëve të Kosovës.

PËRMBLEDHJA E STRATEGJIVE KRYESORE DHE INICIATIVAT STRATEGJIKE

Fakulteti në përputhje me misionin dhe vizionin e përcaktuar, si dhe qëllimet e punës është i orientuar dhe i vendosur që në mënyrë të vazhdueshme dhe sistematike të zhvillojë strategjinë e vet, të monitorojë dhe përmirësojë sistemin e menaxhimit të cilësisë, për periudhën kohore 2018-2021.

Për nga natyra që karakterizon FTU-në, ai është "përgjegjës" për trekëndëshin e diturisë: edukim - hulumtimi –inovacione (risi). Duhet poashtu të merret parasysh se promovimi i inovacionit është ndër qëllimet kryesore strategjike të BE-së, sepse risitë konsiderohen se janë nxitësi kryesor i zhvillimit të një Fakulteti.

Objektivat dhe qëllimet e përgjithshme të zhvillimit të FTU-së

- ✓ Edukimi i studentëve në Fakultet të bazohet në përvojat dhe traditat më të mira në rajon, universiteteve evropiane, botërore dhe zbatimit të të gjitha parimeve të reformës të iniciuara nga Procesi i Bolonjës i Reformës Evropiane të Arsimit të Lartë;
- ✓ Ngritja dhe përmirësimi i cilësisë së shërbimeve të ofruara arsimore për të rritur reputacionin e Fakultetit tek studentët tanë dhe në publik;
- ✓ Sigurimi i shërbimeve arsimore dhe shkencore të mësimdhënies në përputhje me kërkesat, pritjet dhe me mundësitë e studentëve tanë dhe shoqërisë në tërësi;
- ✓ Sigurimi i një mjedisi të sigurt dhe të shëndoshë për të gjithë të punësuarit;
- ✓ Përmirësimin e vazhdueshëm të proceseve, sistemeve dhe aftësive të punës;
- ✓ Nxitja e Ekselencës Kërkimore;
- ✓ Të punojmë në mënyrë efektive me institucionet dhe organizatat e tjera, ku partneritetet e këtilla janë të dobishme për të dyja palët, duke përfshirë mënyra të reja bashkëpunimi dhe përdorimin më efektiv të burimeve publike dhe private.
- ✓ Globalizimi dhe ndërkombëtarizimi i programeve akademike.

✓

FTU me qëllim të përmbushjes së misionit të tij vazhdimisht monitoron, analizon dhe përmirëson proceset e tij përmes:

- ✓ Analiza e reagimeve nga palët e tjera;
- ✓ Monitorimin e realizimit të procesit mësimor;
- ✓ Analiza e suksesit të studimit;
- ✓ Monitorimin e zbatimit të procesit të shërbimit;
- ✓ Aplikimi i metodave dhe teknikave për përmirësimin e cilësisë.

FUSHAT STRATEGJIKE DHE INICIATIVAT STRATEGJIKE

Mësimdhënia, kërkimi dhe shërbimi

FTU është i përkushtuar për cilësi në mësimdhënie duke u fokusuar në pikat si më poshtë:

- Trajnimi i stafit në metodat e mësimdhënies në përshtatje të lëndës dhe nevojave të studentëve;
- Përmirësimi i mësimdhënies duke përdorur metodologji të reja;
- Nxitur kërkimin shkencor tek mësimdhënësit dhe studentët, duke ofruar praktikë mësimore krahas teorisë;
- Krijimi i praktikës për Shërbim të Komunitetit nga stafi akademik.

Burimet e mësimit dhe mbështetja e studentëve

Fakulteti do të sigurojë burime të mjaftueshme adekuate dhe bashkëkohore për mësim, të cilat do të jenë në dispozicion të studentëve në të gjitha programet e studimit.

- Ofrimi i shërbimeve në lehtësim të procesit të mësim nxënies dhe realizimit të detyrave Studentore;
- Sigurimi i komunikimit të vazhdueshëm student-mësimdhënës për arritjen e rezultateve më të mira të mësim nxënies;
- Organizimi i punëtorive tematike të studentëve me qëllim të lidhjes së aktiviteteve mësimore, profesionale dhe shkencore të Fakultetit;
- Lidhja në mes aktiviteteve edukative, shkencore dhe kërkimore, si dhe aktivitetet publike
- Sigurimi i kushteve për studentët me nevoja të veçanta për qasje sa më të lehtë në kampus dhe në marrjen e shërbimeve nga FTU;
- Zhvillimi i shoqatës Alumni të ish studentëve të FTU-së, me qëllim të promovimit të reputacionit të Fakultetit dhe Universitetit në vendin tonë dhe në botë.

Akreditimi dhe kontrollimi i cilësisë

Do të sigurohet cilësia e programeve për sigurim të akreditimit, si në vijim:

- Ndërtimi i një sistemi të brendshëm të sigurimit të cilësisë;
- Analizimi dhe mbikëqyrja e vazhdueshme e mbarëvajtjes së programeve të studimit;
- Ofrimi i programeve të reja varësisht prej nevojave të tregut të punës dhe përgatitjes sa më të mire të studentëve për tregun e punës;
- Mbikëqyrja dhe vlerësimi i stafit akademik;
- Përmirësimi i mësimdhënies dhe mësim nxënies për të arritur rezultate më të mira të mësimi;
- Rritja e cilësisë së stafit akademik, progresit të studentëve, vlerësimin e lëndës dhe rezultatet e përgjithshme;
- Zhvillimi dhe zbatimi i sistemit të matjes së rezultateve të studentëve;
- Rritja dhe përmirësimi i rezultateve kërkimore në FTU;
- Fillimi i punës për zhvillimin e programeve të doktoratës në FTU në përputhje me sistemin e Bolonjës;
- Institucionalizimi i përfshirjes së studentëve në sigurimin e cilësisë.

Zhvillimi i burimeve njerëzore

- Zhvillimi i organogramit të organizimit të personelit dhe strukturave të ardhshme të stafit;
- Rritja e trajnimit të stafit administrativ;
- Përmirësimi i rekrutimit dhe praktikave të punësimit.

Globalizimi/Ndërkombëtarizimi

FTU gjithnjë inkurajon bashkëpunim më intensiv ndërkombëtar në fushën e mësimdhënies dhe punës kërkimore si parakusht për përfshirjen e Fakultetit në projektet shkencore dhe kërkimore evropiane dhe arsimore.

Kjo do të realizohet si në vijim:

- Rritja e partneriteteve globale;
- Rritjen e mobilitetit të stafit dhe studenteve (Internship, vazhdim studimesh etj.);
- Rritja e numrit të aplikimeve për bursa (Zyra për Bashkëpunim Ndërkombëtar);
- Rritja e aplikacioneve të projekteve të përbashkëta për programe të doktoratave dhe marrjen e fondeve ndërkombëtare;
- Baza e të dhënave elektronike për menaxhimin e donacioneve dhe projekteve Ndërkombëtare;
- Organizimin e konferencave dhe aktiviteteve të përbashkëta me partnerët relevant.

MONITORIMI, VLERËSIMI DHE RAPORTIMI

Monitorimi dhe vlerësimi janë faktorë themelorë të zbatimit të një strategjie të mirëfilltë dhe synojnë matjen e progresit të arritur. FTU do të krijojë Grupin për Koordinimin dhe Monitorimin e Zbatimit të Planit Strategjik i cili drejtohet nga një Koordinator i emëruar nga Këshilli i Fakultetit dhe në përbërje të të cilit është edhe Dekani i Fakultetit.

Detyrat kryesore të këtij trupi janë:

- Hartimi i planeve të arriturave 6 mujore të veprimit në përputhje me PSFTU,
- Analiza e progresit në zbatimin e PSFTU, në bazë të informatave të mbledhura,
- Hartimi i buxhetit vjetor për zbatimin e PSFTU në kuadër të kufijve buxhetorë të përcaktuar;
- Shqyrtimi dhe miratimi i masave plotësuese për të siguruar zbatimin e PSFTU;
- Hartimi i kërkesave për mbështetje nga programet e donatorëve me qëllim të sigurimit të zbatimit të PSFTU.

KD do të jetë përgjegjës për monitorimin dhe vlerësimin e implementimit të kësaj strategjie. Koordinator i grupit për Koordinimin dhe Monitorimin e Zbatimit të Planit Strategjik do të përpilojë raportet e performancës së zbatimit të PSUMIB dhe do të raportojë tek KD dhe këto të dhëna do të shqyrtohen nga ana e KD-së. Këta tregues do të mundësojnë monitorimin e progresit duke vënë në dukje nivelin e arritjes së objektivave dhe realizimin e aktiviteteve strategjike të kësaj strategjie. Monitorimi dhe vlerësimi i qëndrueshëm i kësaj strategjie e bën Planin e Veprimit të jetësohet dhe u siguron zbatuesve të saj një pasqyrë e cila ua mundëson të veprojnë me kohë dhe në përputhje me nevojat dhe sfidat me të cilat përballen. Sigurisht që realizimi i këtij dhe plani të veprimit ka implikimet financiare dhe sfidat e veta, varësisht prej fushës që ato mbulojnë. Në fund të zbatimit të strategjisë do të bëhet një vlerësim i përgjithshëm për të kontrolluar deri në çfarë mase kjo strategji ka ndikuar në forcimin e Universitetit, që rezultatet, vështirësitë, ndikimi, qëndrueshmëria, mësimet e nxjerra dhe rekomandimet të shërbejnë për strategjitë në të ardhmen. Bazuar në rezultatet e këtij vlerësimi gjithëpërfshirës, Universiteti dhe donatorët do të jenë në gjendje t'i planifikojnë strategjitë e ardhshme. Veprimet dhe aktivitetet që do të ndërmerren për implementimin e këtij dokumenti do të mundësojnë vazhdimin e zhvillimit të një universiteti të ri dhe rolin e tij, me një qëllim të caktuar që të njihet në nivel kombëtar dhe atë ndërkombëtar për mësimdhënie të avancuar dhe edukim cilësor. Ky PSUMIB do të ndihmojë në vazhdimin e mëtejme drejt ngritjes së cilësisë në mësimdhënie, mësimnxënie dhe zhvillimin e programeve mësimore në përputhje me nevojat e tregut të punës.

Përfundim

Ky plan strategjik i Fakulteti të Teknologjisë Ushqimore është miratuar për periudhën e ardhshme trevjeçare.

FTU është bindur që me implementimin e këtyre iniciativave në strukturat organizative përkatëse të UMIB-it do të ndryshojnë pozitivisht zhvillimet në FTU në arritjen e qëllimeve të përbashkëta për një arsim sa më cilësor dhe për një punësim sa më të madh të të diplomuarve në FTU, të cilëve nuk do t'u mungojnë njohuritë, shkathësitë dhe kompetencat që sot i kërkon tregu i punës.

Prandaj, implementimi i këtij Plani Strategjik shtrohet si një obligim për të gjithë akterët e FTU-së, për të punuar në përmbushjen dhe avancimin e misionit të FTU-së si dhe obligimeve që FTU ka ndaj studentëve për një arsim cilësor dhe me vlera.